



11. ՍՈՒՖՐԵՆՆ

Կար-չկար մի թաքավոր. էդ թաքավորին իրեք տղա ունեւ, ինչ որ խորհուրդ ունեւ, պզտիկ տղի հետ կանեւ, պզտիկ տղեն խելոք էր:

Մեկ օր խորհուրդ արեց, ասեց.— Ձեզ պըտի պսակեմ:

Պզտիկ տղեն ասեց.— Մեզ որ կպսակես, ման արի, որ իրեք ախչիկը մի տանից բերես:

— Որդի՛, իրեք ախչիկը մի տանից շատ կա, համա իմ հավանածը պըտի ըլի:

Տղեն ասեց.— Դու դիտաս, հալպաթ քու հավանածը պըտի ըլի:

Կանչեցին, վեզիրն էկավ, ասեց.— Թաքավորն ապրած կենա, ի՞նչ եք հրամայում:

Ասեց.— Ըսօր իմ պզտիկ տղի հետ խորհուրդ եմ արեւ, որ իմ տղեքին պսակեի, իմ պզտիկ տղեն ասեց. «Իրեք ախչիկը մի տանից ուզա», հըմի իրեք ախչիկ մի տան շատ կա, վե՛ր էթանք ման գանք, ո՛րը հավանենք, էն ուզենք:

Վեզիրը ասեց.— Վե՛ր էթանք:

Էրկու հատ ձի նիւան, ընկան քաղաքները ման գալու. ի՛նչ-դտար ման էկան, ինչ տուն մտան, իրանց դիր չէկավ:

Ասեց.— Վեզի՛ր, շատ ման էկանք, արի՛ էթանք Ստամբուլ էլ պտըտենք ու թողանք էթանք:— Գնացին Ստամբուլ: Ստամբուլա մեշն էլ շատ պտտեցին, էլի չգթան:

Ասեց.— Վեզի՛ր, էկել ենք Ստամբուլ, էթանք թաքավորին էլ տենանք, նոր թողանք ու էթանք:— Գնացին թաքավորի մոտը, դռնախ էլան. թաքավորը բերեց, ըդոնց հաց քաշեց: Իրեք հատ ախշիկ ըզոնց հաց ին բերըմ: Հաց բերեցին, կերան:

Ստամբուլա թաքավորը էդ թաքավորին ասեց.— Ի՞նչ բանի համար եք էկել:

Ասեց.— Թաքավոր ապրած կենա, ես իմ պզտիկ տղի հետ խորհուրդ արեցի, որ պսակեի, խորհուրդ տվեց՝ ո՛ր ախշիկ կուզես, մեկ տանից ուղա. հըմի էս ախշիկները, ո՛ր հաց են բերում, քու ի՞նչն են:

Ասեց.— Էս իրեքն էլ իմ ախշիկներն են:

Ասեց.— Սա իրեքին էլ հավանում եմ, չեմ կարա վատ ասի, էս իրեք ախշիկն էլ կտա՞ս իմ իրեք տղին:

Ասեց.— Իրեքն էլ քե փեշքաշ ա:

Թաքավորը ձեռը տարավ շեպը, իրեք հատ մատանիք հանեց, դրեց ստուլի վրա, ասեց.

— Իրեք ախշկան էլ կանչա գա՛:

Իրեքին էլ կանչեց, էկան: Թաքավորը ամենքին մի մատանիք դրեց մատները, ասեց.

— Իրեքդ էլ էլաք ընձի հարս:

Թաղատան կեր ու խում արեցին, շնորհավորեցին դրանց նշանդրեքը:

Թաքավորը ասեց.— Սա էթում եմ, մի ամիս ժամանակ կտաս, ես իմ տղեքին վե կալեմ, կգամ:

Թաքավորը էկավ իրա երկիրը: Իրեք տղեքը էկան աղաքը, պզտիկ տղեն ասեց.

— Թաքավոր՝ ապրած, որ շատ ետացար, ուզում էի գալի, ման գալի քեզ, լավ էր, էկար:

Թաքավորն ասեց.— Աչքներդ լի՛ս, իրեքիդ էլ նշան եմ դրե, Ստամբուլա թաքավորի ախշիկերքը:

Գնացին, վեր էկան իրանց պալատը. թաքավորը իրիկունը իրան տղեքին կանչեց, ասեց.

— Մեկ ամիս ժամանակ եմ ուղեւ, որ մեր պատրաստութունը տենանք ու լթանք, ախչկերքը բերենք:

Իրեք ձեռք ախչկա շոր կտրեցին, ըզոնց ամեն բաները հետը, իրեք ձեռք էլ տղի շոր՝ իրան տղեքին:

Ասեց.— Վեզի՛ր, դե՛, ժամանակ է, էթանք, տղեքին տանենք. հինդ հարուր էլ ձիավոր վե կալենք, մեր հարսները բերենք:

Պզտիկն ասեց.— Բիրատինով էթանք՝ էս պալատը ո՛վ ա մուղաթ կենում:

Թաքավորն ասեց.— Մեկին կհանձնենք, կէթանք:

Ասեց.— Անկարելի ա, ես չեմ էթա, ես կմնամ, դուք դնացիք բերեք:

Թաքավորը ասեց.— Շատ լավ ասում ես, դո՛ւ կաց:

— Վեզի՛ր,— ասեց թաքավորը,— մենք էրկու տղին կտանենք, էնաք կպսակենք. հարսը կբերենք, ըստի կպսակենք:

Պզտիկ տղեն ասեց.— Որ Ստամբուլա դուս կղաք, առաջին մի Կարմիր կոնս կա, տակին մի աղբուր կա, որ կհասնեք ընտի՝ վեր չգաք. ընտի փորձանք կսլատահի ձեզ, դու դիտաս, որ ես շատ եմ ման էկե, ամեն տեղն էլ դիտամ:

Թաքավորը ասեց.— Շա՛տ լավ:

Առավոտը ընկան ճանապարհ. դափով, դուռնով զնացին դպա Ստամբուլ, թաքավորի պալատը վեր էկան:

Կերան, խմեցին. բերեցին ախչկերքին կաղնացրին մեյդան, խրեքի շորերն էլ հագցրին: Էրկու տղեն բերին, էրկու հարսի ձեռը բռնեցին, պուճուր ախչիկը ընենց կաղնած մնաց:

Ստամբուլա թաքավորը ասեց.— Որ երկու տղա ունեիր, իրեք ախչիկ խի էիր ուզում, քու ծուռնութունը բելլու արեց:

Ասեց.— Իմ գլուխը, քու գլուխը վկա, որ իրեք տղա ունեմ, էս մինն էլ պըտի տանեմ, ընտի պըտի պսակեմ. էն մնաց պալատը, ընտի հավատարիմ մարդ շունեինք:

Էդ էրկու տղին տարան, պսակեցին: Էկան, քեֆ արեցին. առավոտը թաքավորը ճանապար քցեց:

Ստամբուլա թաքավորը ասեց.— Արի՛, մի-մին ղայվա խմենք, նո՛ր կէթաս, կհասնես: Մի քիչ խոսացին, հտացավ:

— Դե, ասեց,— մնաս բարի, ես էթամ, հասնեմ:

Ձեռ բռնեց ու ընկավ ճանապար:

Ընդոնք գնացին, Կարմիր կոնտի կշտին կաղնեցին:

Վեզիրն ասեց.— Թաքավորը նտացավ, շատըրը վեր տվեք։
Չատըրը վեր տվեցին, կերակուր էփեցին, թաքավորը էկավ
հասավ, ասեց.

— Ըստիան բարձեք, ըստի խի՞ եք վեր էկեք։

Վեզիրն ասեց.— Մութն ա, էս վախտ ո՞ւր էթանք, առավոտ
կէթանք։

Ասեց.— Վեզիր, չլսեցի՞ր, պզտիկ տղես ի՛նչ ասեց. «Կոնտի
վրա վտանգ կպատահի»։

Ասեց.— Թաքավո՛ր ապրած, ի՛նչ ես վախենում, հինգ հարուր
շիավոր մեր կշտին ըլի, մենք վախենանք։

Ասեց.— Կացե՛ք, որ ըտենց ա։

Լիսը բացվեց, տեհան մե հատ վիշապ շորս բոլորները կտրել
աւ վե կացան, ասեցին.

— Սպանե՛ք, անց կենանք։

Վիշապն ասեց.— Ի՞նչ մտքի եք, ուղում եք պոչս պտըտեմ,
ձեր հինգ հարուրին էլ վերջացնեմ. թաքավորի պզտի տղին խնա-
յեցի ձեզ։

Թաքավորը ասեց.— Ճանապար տո՛ւր, էթանք։

Ասեց.— Քու պզտիկ տղին տուր ինձ, ես բիրատի բրախ տամ,
չնացեք։

Ասեց.— Կտա՛մ։

Ասեց.— Ճանապար կտամ, էթաք, որ նա ղրկես՝ գա, համա
ընդրա նշանածը չեմ թողա տանք։

Ճանապար տվեց, ամեն էլ անց կացան, պզտիկ տղի նշանածը
մնաց կշտին։ Ընդոնք ընկան ճանապար, էկան։

Խաբար բերեցին պզտիկ տղին.— Աչքդ լի՛ս, թաքավորն էկավ։

Վեր կացավ, մի հարուր ձիավորով գնաց թաքավորի աղաքը։

Թաքավորը որ տղին տեհավ, լաց էլավ։

Տղեն ասեց.— Թաքավո՛ր ապրած կենա, պըտի ուրախութուն
անես, խի՞ ես լաց ըլլում։

Ասեց.— Ընդրա համար եմ լաց ըլլում, քու պատվերը չպահե-
ցինք. ես ըստոնց ճանապար քցեցի, թաքավորի հետ մի քիչ խոր-
հուրդ արեցի, ետացա. էկա տեհա, քու ասած Կարմիր կոնտի վրա
վեր են էկե, նեղացա, ասեցի. «Բարձեք, էթանք»։ Վեզիրն ասեց.
«Գշերը մնանք ըստի, առավոտը էթանք»։ Ըս էլ համոզվեցի, գշերը
մնացինք։ Առավոտը տեհանք մի հատ վիշապ շորս բոլորներս կըտ-

րել ա: Ուզեցանք վիշապին սպանեինք, որ անց կենաինք, վիշապն ասեց. «Ի՞նչ եք անում, ուզո՞ւմ եք պոչս պտրտեմ, ամենիդ էլ սպանեմ. ձեզ րադշեցի թաքավորի պուճուր տղին»: Ասեցի. «Ճանապարհ տուր, էթանք»: Ասեց. «Ճանապարհ տամ՝ ամա, քու պուճուր տղեն պըտի տաս ինձ»: Ես էլ խոստացա, տվի: Ամենիս թողաց, էկանք, քոն նշանածը չթողաց. էդ պատճառով լաց եմ ըլլում:

Ասեց.— Ըսկի լաց մի ըլլի, եփոր մեռա, լաց էլի, հըմի քեֆ արա:

Քեֆ անելով բերեցին տուն: Էրկու օր հարսանիք արեցին, պրծան:

Պուճուր տղեն ասեց.— Թաքավո՛ր ապրած, էս քու պալատը, էս էլ քոն հարսները, ես էթամ վիշապի հավարին:

Թաքավորը ասեց.— Մ'էթա, էն վիշապը զարմանալի բան ա. արի մ'էթա, ինչ էլավ, էլավ:

Ասեց.— Ես իմ էթալոն դարտը չեմ, դոն Ստամբուլի թաքավորի կշտին ամոթալի կմնաս:

Ընկավ ճանապարհ, զնաց հասավ վիշապին:

Վիշապն ասեց.— Բարի ես էկե, հազար բարին, իմ աչքին էկե, տեսնո՞ւմ ես, քոն նշանածը ոնց եմ պահե. ինչ որ ասեմ, պըտի ընձ անկաջ անես, որ քոն նշանածը տամ, տանես, որ չարեցիր՝ չեմ կարա տա, տանես:

Ասեց.— Ասա՛, քոն ղուլլուխին կաղնած եմ:

Ասեց.— Դե՛, արի, գլխիս վրա նստի:

էկավ, գլխի վրա նստեց:

Ասեց.— Անկաշներիցս բռնա, չվախենաս, քեզ պըտի բարձրացնեմ երկինքը:

Պտրտեց, պտրտեց ու ֆալաքի օխտը ղաթը հանեց:

Ասեց.— Թամաշա արա աշ կողմիդ վրա:

Ասեց.— Թամաշ եմ անում:

— Ի՞նչ ա էրևում:

— Քաղաք ա էրևում, ծառ ա էրևում:

Ասեց.— Էն Չինաստանի թաքավորի քաղաքն ա, օխտը ատեժ մի պալատ էրևո՞ւմ ա:

Ասեց.— Էրևում ա՛:

Ասեց.— Առաջին մի շինարի ծառ ա՞ էրևում:

Ասեց.— Էրևում ա:

Ասեց.— Վերևում մի ախշիկ պտըտո՞ւմ ա, էրևո՞ւմ ա:

Ասեց.— էրևում ա, կարմիր շորերը հագած պտըտում ա:

Պտըտեց, վեր բերեց գետինը:

Ասեց.— Դե՛, գնա՛, էն ախշիկը բեր ինձ համար՝ քու նշանածը տամ քեզ համար: Մի հատ դաստախուն տվեց:— Էս դաստախունը կտամ քեզ, ինչ վախտ սովածանաս՝ դաստախունի մեջ կգթնես:

Վե կալավ դաստախունը, ընկավ ճանապարհ, շատ ու քիչ աստված գիտա, դնաց: Էրկու հատ դե ըռաստ էկան. էկան, բռնեցին, ասեցին.

— Վաղուց ա ըսանի միս չէինք կերե:

Ասեց.— Ես ձեզ կշտացնեմ, ընձանից ձեռ վե կկալե՞ք:

Ասեցին.— Որ մեզ կշտացնես, քու մուրազն էլ կկատարենք:

Ասեց.— Ի՞նչ կուտեք:

Ասեցին.— Օխտը հատ գոմեջ անճախ մեզ կշտացնի:

Սուֆրեն փռեց, ասեց.— Սուֆրա՛, օխտը հատ գոմեջ ուզում եմ քու միջին:

Օխտը հատ գոմեջ միջին էլավ:

Նստեցին. կերան, ղըրղըրփոցն քցեցին, մի թիֆա ոսկոր էլ չթողացին միջին, բիրատի կերան:

Ասեցին.— Ո՞րտեղ ես էթում:

— Զինաստան եմ էթում:

Տարան, իրանց սընոռը անց կացրին. մի հատ մազ քաշին, տվին իրան, ասեցին.

— Նեղ տեղ ընկնես, էդ կրակա՛:

Ընկավ ճանապարհ ու գնաց. տեսավ մի ղոշուն ա գալի, որ տուտ ու տակ չիկա: Գնաց, մոտացավ, տեհավ՝ բիրատի ձիավոր մըլեմ են, մեյմունի հետ կռվել են, հետ են դարձե, գալիս են:

Էկան, էդ տղին բռնեցին. վե կալան, տարան իրանց թաքավորի մոտը:

Թաքավորը ասեց.— Տարե՛ք, կերեք, ինչ եմ անում:

Տղեն ասեց.— Թաքավորը սաղ ըլլի, ձեզ կշտացնեմ, ընձնե ձեռ կվեկալե՞ք:

Ասեց.— Որ կշտացնես, ձեռ կվեկալենք:

— Զեր կերածը ի՞նչ ա:

— Մեր կերածը ցորեն ա, դարի ու կորեկ:

Ասեց.— Ինչտար կուտեք:

Ասեց.— Հարուր խալվար կուտենք:

Սուֆրեն փռեց, ասեց.— Հարուր խալվար ցորեն, գորի ու կո-
րեկ ըլլի միշին:— Էլավ, ու կուշտ կերան:

Թաքավորը հանեց ու մի թել տվեց իրան, ասեց.

— Ինչտեղ նեղ կընկնես՝ կփաթթես մատդ, մենք քեզ կհասնենք:

Վե կալան, տարան ճանապար քցեցին:

Գնաց, տեհավ մի ղոշուն ա դալի, տուտ ու տակ շկա:

Մոտացավ, տեհավ՝ բիրատի մեյմուն են. ձիավոր մըչեմի հետ
կովել են ու ետ են դառն: Էկան էդ տղին բռնեցին, վե կալան, տա-
րան իրանց թաքավորի մոտը:

Թաքավորը ասեց.— Ձեզ փեշքեշ ա, տարե՛ք, ինչ տնւմ եք
արեք:

— Որ ձեզ կշտացնեմ, ընձանից ձեռ կվեկալե՛ք:

Ասեց.— Ձեռ կվեկալե՛նք:

Ասեց.— Ձեր կերածն ի՞նչ ա:

— Մեր կերածը բատամ ա, պոպոկ ա, պնդուկ:

— Ի՞նչդար կուտեք:

Ասեց.— Կուտենք վաթսուն խալվար:

Սուֆրեն փռեց, ասեց.

— Վաթսուն խալվար բատամ, պոպոկ ու պնդուկ ըլլի:

Էլան ու կերան: Շնորհակալ էլան տղիցը:

Հանեց էրկու հատ մատանիք տվեց: Մեկը էս մատին դրեց,
մեկը էն ձեռի մատին:

Ասեց.— էս թաթխես՝ ջուրը կպնդվի, վրովը կէթաս, էն թաթ-
խես՝ ջուրը կէթա:

Տարան, ճանապար քցեցին: Գնաց, հասավ Չինաստանու քա-
ղաքը:

Մի ջուր էր էթում քաղաքի ղրաղովը. տեհավ կարմունջ շկա
վրեն, որ անց կենար, միտք արեց. «մեյմունի թաքավորը ըսենց էր
ասում, յավաշ մի թաթխեմ ջրի մեջ, տենամ»:

Թաթխեց, ջուրը սառեց: Վրովը անց կացավ էն էրեսը: էն մի
մատն էլ թաթխեց, ջուրը գնաց:

Գնաց քաղաքը ման էկավ, մի պառավի տուն վեր էկավ:

Սուֆրեն փռեց, պառավի հետ նստեցին, հաց կերան:

Ասեց.— Նանե՛, էս ո՞ր քաղաքն ա, ես չեմ հարցրե:

Ասեց.— Էս Չինաստանա թաքավորի քաղաքն ա:

Ասեց.— Թաքավորը մոնց ա, բարի թաքավոր ա:

Ասեց.— Լա՛վ մարդ ա, մի հատ աղշիկ ունի. ով գալիս ա էդ ախշիկը ուղեւու, ֆանտ ունի. ով որ ֆանտը չի գտնում, ուզողներո՞ւ դուխը տալիս ա. էդ մեկը վատ ա անըմ: Սի տղա էլ ունեւ, էդ պատճառով կհակառակեւ թաքավորին, թաքավորը չի լսեց, գլուխը առավ, դնաց, կորավ:

Ասեց.— Նանի՛, կարամ ընդրս: Ֆանտերը գթնի:

Ասեց.— Որդի՛, ընդուց ձեռ վե կալ, որ ինձ լսես՝ մի՛ էթա, բոգար մարդի դուխը տվել ա:

Ասեց.— Նանի՛, ըստար ճանապար էկել եմ, տա-չտա էթամ, թե ֆանտերը գթա՝ ախշիկը կտանեմ, թե չի գթա՝ գլուխս թո կտրի: Պառկան, ասեց.— Նանի՛, առավոտը ինձ թեղ վեր կացրա:

Առավոտը լիսացավ, պառավը տղին վեր կացրեց:

Տղեն լվացվեց, աստված կանչեց, գնաց թաքավորի դռան կաղ-նեց:

Դռնապանը հարցրեց.— Ի՞նչ խնդիր ունես:

Ասեց.— Ես թաքավորի իրան հետ գործ ունեմ:

Դնադին, թաքավորին իմացրին, ասեցին.— Մի տղա էկի, ա, քու հետ դործ ունի:

Ասեց.— Կանչեք դա՛:

Էկավ թաքավորի պալատը, օխտը անգամ գլուխ տվեց, վրա ութին ձեռ բռնեց ու կաղնեց:

— Հը՛, — ասեց, — ի՞նչ ա ասութունդ:

— Իմ ասութուն էն ա, էկել եմ քու ախշիկ ուզեմ, — ասեց:

Ասեց.— Ա՛յ տղա, դու ափսոս տղա ես, մոնց էկել ես, ընենց ղնա՛, քու արընքի տակն էլ չի մտնենք:

Ասեց.— Թաքավոր ապրած, հոքս մի քաշիր, ես ընդոնցից լավ չեմ, ես էկել եմ քու ախշկա համար:

Ասեց.— Ես ֆանտեր ունեմ, իմ ֆանտերը պըտի գթնես:

Ասեց.— Քու ֆանտերին պատրաստ եմ, կգթնեմ, կտանեմ:

Նաղիր վաղիրին կանչեց, բիրատի թոփ արեց, էդ շինարի ծառի տակ նստացրեց: Լիքը ստաքանը ջուր լցրեց, տվեց տղին. բերեց շորս հատ ոսկի բողնոց, դրեց ծառի շորս բոլորը, ասեց.

— Նազի՛ր, վեզի՛ր, թամաշա արեք. էս տղեն էս ստաքանը ձե-ր նիլնե ծառը, վեր գա, որ ջուրը չթափի. ո՛ր թափեց՝ գլուխը վտցեմ:

Տղեն ծառին մոտացավ, մատանիքը թաթխեց ջրին մեջը ու նիլավ, նիլավ՝ գլխին նստեց։

Թաքավորը ասեց.— Վեր արի՛, լավ նիլար։

Էկան թամաշա են անըմ բողբոջների վրա, որ ջուրը թափի՝ իմանան։ Տղեն քրտրնել էր, էրկու կաթիլ թափեց։

Թաքավորը ասեց.— Վեր արի՛, քու աճալն էկավ, թափեց ջուրը. ջալլա՛տ,— ասեց,— հաղը կաղնի։

Վեր էկավ, ստաքանը տարավ, տվեց թաքավորին։

Ասեց.— Գլուխը տվեք սրա։

— Ո՛չ,— ասեց,— քրտինքս թափեց։

Ասեց.— Անկարելի ա, ջուրը թափեց։

Նազիր վեզիրը մոտացան, ասին.— Գլուխը խի՞ ես տալի։— Մատը տվին բողբոջի միջի ջրին,— ասեցին,— քրտինք ա։

Ասեցին.— Ա՛յ տղա, գնա՛, առավոտը արի, ըսօր պրծար։

Գնաց պառավի տունը. պառավը ասեց.— Ա՛յ իմ աչքերը քողանա, արի՛, արի՛, նստի՛ր։

Խաբարը դնաց թաքավորի ախշկան.— Մի տղա, ստաքանը ձեռին, ծառը նիլավ, ջուրը չթափեց։

Առավոտը լիսացավ, էլի դնաց թաքավորի պալատը։

Խաբար տվին թաքավորին.— Տղեն էկել ա։

Թաքավորը հրամայեց.— Կկաղնացնեք շարի իրիկուն։

Տղեն կաղնեց։ Թաքավորը ասեց.— էրկու պղինձ եռեսուն փթանոց լիքը եղ կլցնեք, կտանեք, կդնեք մի օթախի մեջ, կասեք. «էս գջեր շարի լիս պըտի ուտես. ո՛ր չուտես, թաքավորը քու գլուխ պըտի կտրի»։

Տղեն մի թիքա կերավ, սիրտը տրորեց, ասեց.— Է՛ թաքավորը իմ գլուխ պըտի կտրի։— Բիրտան միտը ընկավ դեերը, համա մաղը կրակեց. կրակելու բաշտան, մեկ էլ տեհավ դուռը ճռացրին, էրկու դև մտան նեքսև.— Հը՛, թաքավորի տղա,— ասեցին,— ի՞նչ ա։

Ասեց.— Տենըմ եք պզնձները, ձեզ կանչեցի, որ ուտեք։

Ասեցին.— Էս քառասուն տարի ա եղի համ չենք տեհել։— Մըռթըները կախեցին մեղը, էրկու պղինձն էլ թամիզացրին, լիզեցին։

Ընդոնք գնացին, թաքավորի տղեն գինջ քնեց։

Առավոտը լիսացավ. թաքավորը վե կացավ, նազիր վեզիրին կանչեց, ասեց.

— Էն մի բանիցը պրծացրիք, վաթսուն փութ եղը հազար ջան

չի կարա ուտի, էն մինակ կարա՝ ըս գշեր ուտի. բեր ու գլուխը
զարկեք:

Գնացին, վեր կացրին, բերին թաքավորի մոտը:

Ասեց.— Էրեկ պրծար, ըսօր ի՞նչ ես ասում:

Ասեց.— Ըսօր էլ կպրծնեմ, էգուց էլ:

Գնացին, տեհան՝ պղինձները թամուզ կերե, սրփե:

Ասեց.— Գնացեք ըստրա օթախը, պահած կըլի, գթեք ու բերեք:

Գնացին, ման էկան, զատ չգթան:

Էկան, ասեցին.— Զատ չկա:

Ասեց.— Գնա՛, դինջացի՛, իրիկունը արի:

Խաբարը գնաց թաքավորի ախկան, էգ ախիկը զարմացավ:

Գնաց պառավի մոտը, դինջացավ, իրիկունը վե կացավ, էկավ
խաբարը տարան թաքավորին.— Տղեն էկել ա:

Թաքավորը նազիր վեզիրին կանչեց. տղին բերեցին, մի ղուան
աղար կաղնացրին:

Ասեց.— Տասը խալվար կորեկ չափեք, բերեք ըստե, տաս խալ-
վար էլ ցորեն, տաս խալվար էլ զարի բերեք. խառնեք հիրար,
օթախի մեջտեղ կիտեք:

Թաքավորը հրամայեց.— էս կորեկ, էս գարին, էս ցորեն իրա-
րից պըտի ջոկես, որ առավոտ գամ, չափեմ. թե ջոկեցիր՝ ախիկս
տարար, թե չջոկեցիր՝ գլուխդ անպատճառ պըտի կտրվի:

Տղեն մի բուռ վե կալավ, որ ջոկի՝ կորեկի մի հատը քցեց մի
պուճախը, մի հատ ցորեն մի պուճախը, ասեց. «Չարի լիս մի բուռ
չեմ կարա ջոկի»: Բիրտան մըշեմը միտը ընկավ. թելը հանեց,
փաթթեց մատը, մեկ էլ տեհավ՝ դուռը ճռացրեց. մըշեմները թա-
փան, էկան:

Ասեց.— Խնդրում եմ, էս գարին, էս ցորենը, էս կորեկը ջոկեք
չուտեք համա, ձեր բաժինը ղուանը կտամ՝ կուտեք ու կէթաք:

Ըդրանց տուտը բացվեց, Մասիսու շարի Ալագյազ էկան, ջո-
կեցին ցորենը մի յան, գարին մի յան, կորեկը մի յան, մի հատ
չթողացին:

Դուս էկավ դուռը, սուֆրեն բացավ, ըդոնց բաժինն էլ տվեց
գնացին. Դուխը դրեց ցորենի վրեն, արխային քնեց:

Լիսը բացվեց, թաքավորը վե կացավ. նազիր վեզիրին կանչեց
էլի, ասեց.

— Դե՛, բերեք, տղի վիզը զարկեք:

Գնացին, աղին վի կալան, բերեցին։
 — Վիզը զարկե՛ք,— հրամայեց։
 Ասեց.— Խի՞ ես զարկում իմ վիզը, ես ջոկել եմ, մարդ զրկեա, թո էթա, տենա, գա՛։
 Մարդ զրկեց. գնաց, էկավ, ասեց.— Թաքավոր ապրած, շոկած պրծած ա։
 Չափեցին, դուղ էլավ։
 Ասեց.— Դե՛, գնա՛, առավոտը արի։
 Խաբարը տարան թաքավորի ախշկան. թաքավորի ախշկան ասեց.
 — Հա՛ գիտի, էն տղեն որտե ա մնում։
 Ասեցին.— Մի պառավի տան ա մնում։
 Մի դարավաշ ուներ, հանեց մի բուռ ոսկի տվեց, ասեց.— Բերնիցդ բան չհանես, կէթաս պառավի տունը. պառավին կասես, էդ տղին ախշկա շորեր հաքցնի, իրիկուն բերի իմ մոտը։
 Էդ ախշիկը վազեվազ գնաց պառավի տունը։ Պառավին ասեց.—
 — Թաքավորի ախշիկը ասում ա. «Թող էդ տղին ախշկա շորեր հաքցնի, բերի իմ կուշտը»։
 Իրիկունը ախշկա շորեր հաքցրեց, վի կալավ տարավ։
 Դռնապանը դուռը չէր բաց անում։
 Ասեց.— Իմ ախշիկը տանում եմ թաքավորի ախշկանից ուսում առնի։
 Ասեց.— Խալխը ցերեկն են բերում, դու գշերն ես բերում։
 Ասեց.— Հըմի պարապեցի, բերեցի։
 — Դե՛, — ասեց, — տա՛ր։
 Վի կալավ, տարավ։
 Ասեց.— Խանը՛մ, իմ ախշկան ինչ կսարվացնես, սարվացրա. ղշերը չի կարա ըստե մնա։
 Թաքավորի ախշիկը հրամայեց.— Ամեն դարավաշ էթա իրա օթախը, խամ ախշիկ ա, խոսացնեմ, տենամ, ինչ կա հալա։
 Ասեց տղին.— Դու էդ ֆանտերն որ իմացար, էգուց էլ կարա՞ս իմանա։
 Ասեց.— Չեմ գիտում, ինչ ֆանտ պըտի անի։
 Ասեց.— Քառասուն ախշիկ պըտի բերի, քառասուն ձեռք սե շոր հաքցնի, սև ձիանը նիլցընի, սև քողերը պըտի քցի գլխներին, ջերկով կաղնացնի, քեզ պրտի հարցնի. «Իմ ախշիկը որն ա»։ Ներ-

րի գհիցը կհամբրես տասնըինը, վրա քսանին հս հմ, չը շրշկրլես:
Կանչեց պառավին.— Պառա՛վ, արի, քու ախշիկը վեր կալ
տար, էգուց իրիկուն էլ բեր:

Լիսը րացվեց, տղեն գնաց թաքավորի մոտը: Թաքավորը նա-
ղիր վեզիրին կանչեց, ասեց.

— Գնացեք, քառասուն ախշիկ բերեք, քառասուն սև ձիանը
նիլցըրեք, սև շորերը հագցրեք, սև քողերը քցեք դիսներին:

Գնացին էնպես արեցին, ջերկուն կաղնացրին: Տղին հրամայեց.

— Իմ ախշիկն ո՞րն ա, գթի՛:

Մտքի միջին համբրեց տասնըինը, դուռ գնաց վրա քսանի ձիու
դյամը բռնեց, ասեց.

— էս տ քու ախշիկը:

— Տղա՛,— ասեց,— ղնա՛, առավոտը արի:

Տղեն գնաց պառավի տունը, ասեց.— Նանի՛, ախշկա շորերը
բեր, հաքենիմ:— Հաքավ, գնաց թաքավորի ախշկա մոտը:

Թաքավորի ախշիկը ասեց.— Տղա՛, էդուց էլ կարմիր ձիանը
նիլնենք, կարմիր շորերը կհաքենենք, կարմիր քողերը պըտի քցենք
դիսներիս. ամենի վերջը հս կկաղնենիմ. կգաս, իմ ձիու գյամը կը-
րոնես:

Տղեն վեր կացավ, գնաց պառավի տունը:

Առավոտը վեր կացավ, գնաց թաքավորի պալատը:

Թաքավորը իրա նստի վեզիրի հետ դուռ էկավ, հրամայեց.

— Գնացե՛ք, քառասուն ախշիկ բերեք, կարմիր ձիանը նիլ-
ցըրեք, բերեք ըոտի ջերկա կաղնացրեք: Էդպես արեցին:

Ասեց.— Ա՛յ տղա, իմ ախշիկը ո՞րն ա, գթի՛:

Տղեն գնաց, վերջի ձիավորի յախեն բռնեց, ասեց.

— էս ա քու ախշիկը:

Ասեց.— Ըսօր էլ պրծար, գնա՛. գնա էգուց էլ արի:

Տղեն գնաց պառավի տունը, ախշկա շորերը հաքավ, գնաց
թաքավորի ախշկա մոտը:

Թաքավորի ախշիկը ասեց.— էքուց էլ սիպտակ ձիանը կընիլ-
նենք, սիպտակ շորերը կհաքենենք, սիպտակ քողերը կքցենք գլխը-
ներիս, ամենի գլուխը հս կկաղնենիմ, կգաս ձիու գյամը կըրոնես, քա-
շես, թաքավորի աղաքը կկաղնացնես:

Տղեն վե կացավ, գնաց պառավի տունը: Լիսացավ, առավոտն
էկավ թաքավորի պալատը:

Թաքավորը դուռ էկավ, հրամայեց.— Գնացե՛ք, քառասուն ախ-
շիկ բերեք, քառասուն ձեռք սիպտակ շոր հաքցրեք, սիպտակ ձիա-
նը նիւցրեք, սիպտակ քողները քցեք դիւններին, բերեք ըստի, շեր-
չուն կաղնացրեք:

էդպէս արեցին: Թաքավորը ասեց.— Իմ ախշիկը ո՞րն ա, գնա
գթի, բե՛ր:

Գնաց, գլխի ձիավորի ձիու գլամը բռնեց. քաշեց, բերեց թա-
քավորի մոտը, ասեց.

— Թաքավոր ապրած կենա, վեց օր ա, իմ ջանը քեզնե չխնա-
յեցի, էս էլ քու ախշիկն ա, քու ախշկա ջանն էլ ինձանից չխնայես:

Թաքավորը հրամայեց ախշկերքին, ամենն էլ ձիանոցից վեր
էկան:

Ասեց.— Քողերներդ էրեսներիցդ վեր կալեք, էդ տղին վեր կա-
լեք, տարեք պալատը:

Թաքավորը գնաց պալատը տղի մոտը, հարցրեց.— Դու ի՞նչ
տղա ես, իմ ֆանտերը մեկն էլ չիմացան, դու վեցն էլ իմացար:

Ասեց.— Ես էլ թաքավորի տղա եմ, էկա քու ախշիկն ուղեւու,
աստված հաջողեց, վեցն էլ իմացա:

Ասեց.— Պսակեմ ու իմ մոտին կաց:

Ասեց.— Խնդրում եմ ինձ ճանապար քցեք, իմ պսակը իմ հայ-
րը թող տենա:

Ասեց.— Դու դիտաս:

Առավոտը զորքը զսրապետով, ամենը դրեց ախշկա հետ, ճա-
նապար քցեց:

Տղեն ասեց.— Թաքավո՛ր ապրած, բան պետք չէ, ամենն էլ քեզ
փեշքեշ, էրկու ձի տու, նիւնենք, էթանք:

Թաքավորն ասեց.— Ա՛յ տղա, քեզ մի բան եմ ասում, քսանը
հինգ տարեկան իմ տղեն կորեւ ա, ամեն բանը դու դիտում ես, գու-
կարող ես էդ տղին գծնիլը. ո՛ր գթար, բերեցիր, իմ թաքավորու-
թունը կհանձնեմ քեզ, դե՛, բարի ճանապար ըլլի, գնացեք:

Վեր կացան էկան մեյմունի երկիրը: Մեյմունները վեր կալան,
տարան իրանց թաքավորի մոտը, թաքավորը ասեց.

— Բարի էկա՛ր, մեզ մի կշտացրա, քեզ ճանապար քցենք:

Շտի սուֆրեն փռեց, հարուր խալվար սլոպոկ ու բադամի մեշ
ուզեց:

էդի կերան, խմեցին, տղին քցեցին ճանապար:

Գնաց, ձիավոր մրջեմի սրկիրը հասավ:

Ձիավոր մրջեմները էկան աղաքը, վե կալան տարան իրանց թաքավորի մոտը: Թաքավորը ասեց.

— Բարի ես էկել, մեղ կշտացրա, քեղ բարի ճանապար քցենք:

Ըտի սուֆրեն փռեց, հարուր խալվար ցոփեն ու գարի ուգեց: Ըտի կերան, կշտացան, տարան իրանց սընոռից հանեցին, ընկան դեկրի սընոռը:

Դեկրը էկան աղաքը, ասեցին.

— Հա՛, թաքավորի տղա, մուրազիդ հասար: Սոված ենք, մեղ կշտացրա, քեղ բարի ճանապար:

Սուֆրեն փռեց, ասեց.— Տասը գոմեշ ըլլի միշին:

Տաս գոմեշ էլավ միշին, ըդոնք կերան, կշտացան:

Վե կալան, տարան իրանց սընոռը անցկացրին:

Գնաց, հասավ վիշապի մոտը:

Վիշապն ասեց.— Խի՛ ետացար էդքան:

Ասեց.— Անճախ որ բերեցի, քի՛չ շարշարանք էր:

Ասեց.— Էդ ախշիկը մնա իմ մոտը, դու գնա, քու նշանածը հրեն, ընդի ծաղիկ ա թոփ անըմ, բեր:

Տղեն գնաց դպա իրա նշանածը, վիշապը ասեց.

— Ախշի՛, մազերդ փաթթա իմ շլնքովը:

Ախշիկը փաթթեց շլնքովը:

Վիշապը ճվաց ու էլավ մի քսանհինգ տարեկան տղա ու ընդի կաղնեց:

Էդ տղեն ու ախշիկը էկան ըդրա մոտը, թուրը քաշեց, որ ըդրան սպանի: Էդ տղեն ասեց.

— Խի՛ ես տալի, էս իմ քիրն ա, բերեցիր իմ մոտը, շատերին ղրկել ի, որ իմ քվորը բերի, գնացել էր, չէր էկե, քեզ ղրկեցի՝ բերի: Էս իմ քիրն ա, ըաղշեցի քեզ:

Տղեն էլ.— Իմ նշանածը ըաղշեցի քեզ:

Նոր ձիանը նիլան, էրկու ախշիկ, էրկու տղա, դպա թաքավորի մոտը:

Խաբարը գնաց թաքավորին.— Աչքդ լի՛ս, տղեղ էկավ:

Թաքավորը վեր կացավ, զորք-զորապետով գնաց աղաքը տղին:

Չինաստանի թաքավորի ախշկա վրեն իրա տղին պսակեց: Օխտն օր, օխտն գիշեր հարսանիք արեց:

Թաքավորի տղեն ասեց.— Չինաստանի թաքավորի տղեն գթել
եմ, վեր կալեմ, տանեմ իրան թաքավորի մոտը:

էդ ախշիկն ու էրկու տղեն էլան, գնացին:

Գնացին, ճանփեն կորցրեցին, ընկան մի շու, յասլան տեղ.
քառասուն հարամու մեջ ընկան, հարամիրաշին ասեց.

— Տարե՛ք էդ էրկու տղին, սպանեք, շորները հանեք, բերե՛ք:

Թաքավորի տղեն ասեց.— Սպանեք ձեր ձեռք ի՛նչ կընկնի, ես
էլ թաքավորի տղա եմ, էս էլ Չինաստանա թաքավորի տղեն ա, ես
խոստանում եմ, չարի ձեր մահը ձեզ պահեմ, հըմի էլ ինչ որ սրտու-
ներդ ուզում ա, ասե՛ք՝ ուտացնեմ:

Ասեց.— Մեր սիրտը շատ բան ա ուզում՝ խորոված, ոխա՛ր,
բա՛ն:— Սուֆրեն փռեց մեյդանը:

Ըդոնց ուզած բաները բիրատի սուֆրի մեջ դրնվավ:

Կերան, խմեցին: Վե կացան ու գնացին, հասան Չինաստան:

Գնացին, թաքավորի պալատի դարվազի աղաքը վեր էկան:
Թաքավորին խաբար արին, դուս էկավ.

— Աչքդ լի՛ս, որ տղեդ էկավ:

Տղին բերեց, պսակեց՝ օխտն օր, օխտը գշեր. իրա հոժար կա-
մով թաքավորութունից վեր էկավ, իրա տղին դրեց թաքավոր: Ըդ-
բա քառասուն ձիավորին ամենքին մի նշան տվեց. ընկան ճանա-
պար, էկան իրանց թաքավորի կուշտը:

էդ քառասուն հարամի ձիավորին նշան տվեց, պահեց:

Թաքավորն էլ տղին ասեց.

— Անումը իմը ըլլի, թաքավորութունը դու արա:

Ընդոնք հասան իրանց մուրազին:

